

इवनिंग डोगरी न्यूज़ बुलेटिन

समे .18:15 Hrs

एह आकाशवाणी जम्मू ऐ, संजा खबरें च तुंदा सुआगत, पैहलें खास-खास खबरें कन्नै में सोनाली दत्ता।

<><><><><><>

Headlines

1. केंद्र सरकार नै पच्छिम एशिया संघर्श दे चलदे पेट्रोल पर उत्पाद शुल्क घटाइयै 3 रपे फही लीटर कीता, डीजल टैक्स मुक्त होआ।
2. ईरानी नेता खामेनेई दी मौत ते राश्ट्री कन्नून युनिवर्सिटी दी मंग गी लेइयै सदन च भारी हंगामे कन्नै होई जम्मू-कश्मीर विधानसभा दे बजट इजलास दे दुए गेइ दी शुरूआत।
3. मुखमंत्रि उमर अब्दुल्ला होरें आखेआ ऐ जे ईरान युद्ध अन्यायपूर्ण ते गैर कन्नूनी ऐ, प्रधानमंत्री नरेंद्र मोदी होरें गी दखल देने दी कीती अपील।
4. लेफ्टिनेंट गवर्नर मनोज सिन्हा होरें ऑपरेशन सद्भावना दे तैहत जम्मू दौरे पर आए दे आर्मी गुडविल स्कूल सौजियां दे विद्यार्थिं कन्नै गल्लबात कीती।
5. रामनौमी दा त्यौहार समूलचे जम्मू खितते च धार्मिक उत्साह कन्नै मनाया गेआ। श्री माता वैशणो देवी जी दी पवित्तर गुफा च श्रद्धालुएं दी भारी भीड़ दिक्खने गी लब'रदी ऐ।

<><><><><><>

ते हुन खबरें दी तफसील कन्नै कुणाल श्रीवत्स।



Excise Duty Fuels

केंद्र सरकार नै पच्छम एशिया संघर्श काण जारी उथल-पुथल दे चलदे ईंधन पर उत्पाद शुल्क च कटौती करने दा इक बड्डा फैसला लैता ऐ। पेट्रोल पर शुल्क 13 रपे शा घटाइयै 3 रपे लीटर करी दिता गेआ ऐ जिसले के डीजल पर शुल्क 10 रपे शा घटाइयै सिफर करी दिता गेआ ऐ। इस गैह् कन्नै मुख्य भरे दे उपभोक्ताएं गी बड़ी मती राहत मिलने दी मेद ऐ। केंद्री मंत्री जितेंद्र सिंह होरें सोशल मीडिया पर इक पोस्ट च इस गैह् दी सराहना कीती ते आखेआ जे भारत नै कोविड महामारी दरान दस्सी गेदी इस्सै चाल्ली दी अगुवाई करिए दुनिया अग्गे इक मिसाल कायम कीती ही ते अज्ज फही उसी दोहराया गेआ ऐ। तोआई, केंद्री खजाना मंत्री निर्मला सीतारमण होरें आखेआ ऐ जे सरकार इस गल्लै गी यकीनी बना'रदी ऐ जे पेट्रोल जां डीजल दे भाएं च कोई बाद्दा नेई होऐ। उनें आखेआ .



Assembly-Session

जम्मू-कश्मीर विधानसभा दे बजट इजलास दा दुआ गेइ इक्क म्हीने दे वक्फे मगरा अज्ज परतियै शुरू होआ। सदन दी कार्रवाई शुरू होंदे गै भारती जनता पार्टी दे मिम्बरें जोरदार हंगामा कीता। पार्टी दे विधायकें नारेबाजी करदे होई ते तख्तियां फगड़े दे जम्मू च राश्ट्री कन्नू युनिवर्सिटी कायम करने दी मंग कीती, जिसले के जम्मू-कश्मीर नेशनल कांफ्रेंस ते होरनें पार्टिं मध्य पूर्व च ईरान पर होए दे हमलें खलाफ बरोध-प्रदर्शन कीता। स्पीकर अब्दुलर रहीम राथर होरें सदन च बवस्था बनाने दी अपील कीती पर शोर-शराबे ते भारी हंगामे करी कार्रवाई स्थगित करनी पेई।



प्रधानमंत्री नरेन्द्र मोदी होर 29 मार्च बड्डलै 11 बजे आकाशवाणी पर अपने “मन की बात” कार्यक्रम राए देश-विदेश दे लोकें कन्नै अपने विचार सांझे करगंन। हर महीने दे खीरी ऐतवार गी प्रसारत होने आहले इस कार्यक्रम दी एह 132मीं किशत होग। कार्यक्रम दा प्रसारण आकाशवाणी ते दूरदर्शन दे समूलचे नैटवर्क- ए.आई.आर. न्यूज वेबसाईट ते न्यूज ऑन ए.आई.आर mobile app- डी.डी न्यूज- प्रधानमंत्री हुंदे दफ्तर ते सूचना ते प्रसारण मंत्रालय दे यू-ट्यूब चैनलें पर बी होग। हिंदी प्रसारण दे बाद एहदा डोगरी भाशा च अनुवाद प्रसारित कीता जाहग।

<><><><><><>

ते हुन बाकि दिएं खबरें कन्नै सोनाली दता।

LG-Students

लेफ्टिनेंट गवर्नर मनोज सिन्हा होरें इक्क टूर च जम्मू आए दे पुंछ जिले दे आर्मी स्कूल, सोजियां थमां विद्यार्थियें कन्नै गल्लबात कीती। एह पैहलकदमी व्हाइट नाइट कार्पस राएं कीती गेई जेदा मकसद बन्ने आहले इलाकें दे युवाएं दे अंदर राश्ट्री एकता ते समग्र विकास दी भावना गी जागरूक करना हा। पुंछ थमां 33एं विद्यार्थियें दा इक्क समूह आए दा हा जिन्नै अपने इस सरबंधै च अनुभव जाहिर कीते। एल.जी होरें सेना दी इनें युवा विभागें दा पोषण करने लेई सराना कीती। इस टूर च इनें बच्चें गी पुंछ, राजौरी, जम्मू ते श्रीनगर लेई जाया गेआ जित्थे उनेंगी बक्ख-बक्ख वातावरण ते संस्थानें दा दौरा बी कराया गेआ तां जे उनेंगी मुल्खै दी संस्कृति, सामाजिक ते संस्थागत ढांचे बारै पता लग्गै।

<><><><><><>

NC-Investiture Ceremony

उत्तरी कमान दा अलंकरण समारोह 2026 कल उधमपुर स्थित मुख्यालय च आयोजत कीता जाहग। उत्तरी कमान दे कमान प्रमक्ख लैफ्टिनेंट जनरल प्रतीक शर्मा हुंदे आसेआ दिते जाने

आहले एह पुरस्कार भारतीय सेना ते एहदी ईकाइयें आसेआ प्रदर्शत असारधरण बहादुरी- विशिष्ट सेवा ते कर्तव्यनिष्ठा गी सम्मानित करने लेई समर्पत न। समारोह दौरान 92 पुरस्कार भेंट कीते जाडन- जिंदे च 51 व्यक्तिगत ते 41 होर दुए पुरस्कार बक्ख-बक्ख ईकाइयें गी दिते जाडन। एह ईनाम ऑपेशन सिंदूर सनें बक्ख-बक्ख क्षेत्रें च सेना दे बहादुरी आहले प्रदर्शन- निस्वार्थ सेवा ते देशभक्ती गी मान्यता दिंदे न।

<><><><><><>

Ram-Navmi

श्री माता वैश्वो देवी जी दे दरबार च चैत्र नराते दे चलदे राम नौमी दे मौके पर श्रद्धालुएं दी भारी भीड़ दिक्खी गई। इस मौके पर ज्हारां श्रद्धालु कटड़ा बेस कैंप थमां माता रानी दे भवन जाई पुज्जे। अधिकारिं इस मौके पर खरी मती तयारियां कीती दियां न, सुरक्षा दे कड़े बंदोबस्ते कीते दे न, चिकित्सा लोढ़ लेई टीमां बनाई दियां न ते पंजीकरण गी बी नियंत्रित कीते दा ऐ। अधिकारिं दा आखना ऐ जे जातरा इसलै रमानदारी कन्नै चला करदी ऐ ते श्रद्धालु जय माता दी दे जयकारे लांदे होई त्रिकुटा प्हाड़ी पर चढ़ा रदे न जेदे कन्नै उत्थूं दा म्हौल भक्तिमय होई गेआ ऐ। तोआई महिलाएं इस पावन मौके पर मां दुर्गा दे अशीरवाद कन्नै साख बी परोआई। इस बारै आकाशवाणी जम्मू कन्नै गल्ल करदे होई श्री माता वैश्वो देवी जी दे श्रद्धालुएं आखेआ .

<><><><><><>

Water Sports Centre

जम्मू-कश्मीर स्पोर्ट्स काउंसल नै साहसिक ते मनोरंजक गतिविधियें गी बढ़ावा देने आस्तै कठुआ जिले दे बसोहली च रंजीत सागर डैम च नमें वाटर स्पोर्ट्स सेंटर यानि सरबंधत खेड्डें दे केंद्र दा गठन कीता। इस केंद्र दा मकसद युवा खडारियें गी बक्ख-बक्ख खेड्डां जियां के सरफिंग, कायाकिंग ते वाटर पोलो लेई ट्रेनिंग देना ऐ। इस सरबंधे च इत्थे नियमित तौरै पर मनोरंजक

गतिविधियां करोआइयां जाडन तां जे सैलसफा गी बढ़ावा दिता जाई सकै ते युवाएं दी वाटर स्पोर्ट्स च भागीदारी बधै। अधिकारिणं दा आखना ऐ जे एहदे कन्ने क्षेत्र च साहसिक गतिविधियें दे अवसर बधडन ते कौशल विकास बी बधोग। इस बारै इक अधिकारी नै आखेआ .

<><><><><><>